



Facilis Et Succincta S.S. Canonum Doctrina

Pirhing, Ehrenreich

Dilingæ, 1690

§. II. Quinam in judicio agere, vel conveniri possint, vel non possint?

[urn:nbn:de:hbz:466:1-61641](#)

de possessione rei, sive adipiscenda, sive retinenda, sive recuperanda.

Tertia divisio ex diversa forma, quæ in Iudicio adhibetur, aut juxta quam proceditur, desumitur; & hinc aliud judicium plenarium, ordinarium, & solemne dicitur, in quo scil. omnes iuris solemnitates ad judicium spectantes, & de Iure requisitus, adhibentur. Ciatio v.g. Libelli oblatio, Litis contestatio, Juramentum Calumnia &c. aliud est summarium sive extraordinarium, in quo non tam ad formam iuris solemnem, & sepius accidentalem tantum ad causam decidendam requisitam, attenditur, quam ad essentialia & substantialia judicis, sine strepitu quidem, ac forma solenini judicis, sed inspectâ sola rei veritate proceditur.

Quarta denique Divisio (ut omitram alias vel merè Civiles aut alias faciles) desumitur ex diversitate Finis, quem judicium tale intendit; sic dicitur aliud Civile, in quo de causa Civili agitur, mutuo v.g. emptione, aut ex alio contractu civili &c. aliud dicitur Criminale, in quo de delictis agitur, de furto v.g. homicidio, sacrilegio, heres &c. & si agitur ad publicam vindictam, ad paenam corporalem v.g. aut pecuniariam fisco applicandam, dicitur criminale judicium criminis agi; Si vero agatur ad paenam privato applicandam, sive ad interesse privatum, dicitur criminale judicium civiliter tractari; ita tamen, ut quod participat de utroque, mixum judicium dicatur, quin imo sepius duplex actio paenalis injuriam passo competit, Civilis una, quæ tendit ad paenam Actori applicandam; altera criminalis, quæ tendit ad publicam vindictam, ac optio datur injuriam passo,

quam velit actionem instituere, ita tamen ut unâ earum electâ, altera ipso jure tollatur (cum utraque paenalis sit) nisi sit revertantum persecutoria, qua per nullam actionem mere paenalem tollitur.

§. II.

Quinam in Iudicio agere, vel conveniri possint, vel non possint?

Qui personam legitimam standi in Iudicio habent, iij agere, & conveniri possunt, in genere loquendo. In specie vero primò certum est, quod pupillus sine Tutoris auctoritate nec agere, nec conveniri in Iudicio possit. Secundò certum est de jure communi, quod minor 25. annis legitimam personam standi in Iudicio non habeat, nisi ei Curator, saltem ad literam, datum sit (ob Iudicium scil. nondum ad lites, satis maturum) nisi minor talis, qui vigesimum tamen annum jam implevit, veniam atatis impetraverit, agendi in Iudicio etiam sine Curatore; aut si 14. annum implevit, & agat, vel conveniatur in causis beneficialibus, aut aliis spiritualibus, vel his annexis Cap. Si annum 3. b. tit. in 6. (quamvis impuberet neque in his causis sine Tutori agere possint, puberes tamen in hujus modi causis consentur esse majores) aut agat tantum minor 25. annis in possessorio, de recuperanda vel obtinenda possessione L. finiunct. Gloss. V. per quemcunque Cod. qui legit person. standi &c. De filio familias, quamvis major sit 25. annis, quod suo nomine & in causa propria, etiam quoad bona adventitia (sive Pater usum fructum in illis habeat, sive non) regulariter & ordinariè in Iudicio agere, aut respondere sine assensu parentis non possit, constat ex L. u. Cod.

De bonis, quæ lib. Et. &c. cit. Cap. ult. h. tit. in 6. (cùm in his, omnibus consensu Patris requiratur ad integrandam personam filii) nisi alieno nomine, ut Procurator. v. g. sicut in iudicio, vellis sit de bonis Castrenisibus, vel quasi Castrenisibus, vel pater longius absit, qui procuratorem non reliquerit; aut inutili patte ad res suas curandas agere velit; vel in præparatoriis tantum iudicii ante litis contestationem versetur, vel causæ sint beneficiales, spirituales, vel his annexæ, in quibus nec jus nec administratio ad patrem pertinet. Mulieres denique saltem honestæ, quodd invitatæ ad Iudicem trahi personaliter non possint, ex causa quacunque, de jure non expressa, possint verò, si velint, in causis saltem Civilibus, in iudicio per se stare ex Cap. Mulieres secundo h. tit. in 6. habetur, nisi sint fœminæ religiose, præsertim quæ sub clausura vivunt, quæ, nec vocari, nec admitti debent. De aliis, quibus de jure Civili interdictum est, stare in iudicio, videantur iura Civilia.

§. III.

An, & quâ ratione Prælatus Ecclesiasticus, præsertim Regularis, vel Capitulum seu Conventus, vel Religiosi singulis agere, aut conveniri, in iudicio possint?

Potest Prælatus Ecclesiasticus, & Regularis, per se solus, absque consensu aut consilio Capituli, in iudicio agere, & conveniri, de rebus & juribus communibus Monasterii, & tam ad Prælatum, quam Capitulum communiter pertinentibus (nisi causa valde gravis & ardua esset) quia talium bonorum liberam ad-

ministrationem, alège, sive à jure sibi concessam habet independenter à Capitulo, & quamvis juxta communia iura, qui rem alienare non potest, nec possit eam in iudicium deducere, Prælatus autem non possit sèpè talia bona solus alienare, consequenter nec possit pro iis, in iudicium deductis, sine consensu sui Capituli litigare; concedo, in hoc fieri non posse ab eo, qui suo nomine agit in iudicio, nego autem, quod hoc verum sit de eo, qui alieno nomine agit in iudicio dei alia, quam solus alienare non potest, sicuti Prælatus Ecclesiæ agit in iudicio nomine Ecclesiæ. Hoc tamen, ut sine consensu sui Prælati, pro bonis etiam communibus Monasterii, in iudicio contendere possit Capitulum, aut Conventum Ecclesiæ, sive regulatis hæc si sive singularis, non concedit cap. Causam g. h. tit. ob rationem scil. priori contrarium nisi sint causæ propriæ Capituli in bonis ad Capitulum solum spectantibus; vel nisi Capitulum agat pro recuperatione bonorum à Prælato illegitimè alienatorum; vel nisi consuetudo Ecclesiæ illius, at peculiaria statuta aliud velint. Multo minus conceditur Regularibus singulis cuiuscunque sexiūs sint, ut suo vel alieno nomine, per se, vel per alium ad agendum vel defendendum in iudicio steti, sine consensu & licentia sui Superiori Cap. cùm dilecta 2.2. de rescriptis. Cùm regularis talis non sit sui juris, neque bonorum dominium habeat, & hinc ratione contractus cum Religioso initi, non potest conveniri Religiosus, sed debet conveniri Monasterium, & si Religioso facta sit injuria, non potest ipse agere in iudicio, nisi Prælatus sit absens, & nullum